



**ATASSUT**

**UPA14/106-1**

**Knud Kristiansen**

**13.05.2014**

**Sinerissap qanittuani qaleralinniarnermi Upernaviup, Uummannap Qeqertarsuullu aqutsiveqarfiini aqutsiveqarfiit titartagaanerisa siunnersuutip tunngavilersuutaani allattorsimanerattuut kiisalu ilanngussani (bilag) 1-miit 4-mut titartarsimani malillugit allanngortinneqarnissaat isumageqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Karl-Kristian Kruse, Siumut)

ATASSUT-miit siunnersuuteqartoq qutsavigaarput.

ATASSUT-miit suliniutit tamaasa aalisarnerup pitsanngortinniarnernut, ataavannerusumillu aalisarfiusinnaanera tamatigut aqutissiuukkusupparput.

Siunnersuut iluaqutaalluarsinnaasoq ATASSUT-miit isumaqarpugut, aammalu aqutsiveqarfinni titarnerit nikisinnerisigut, kiisalu pisassiissutit taakkunannga ilanngaataasarunnaarsinnaanerat oqalliseqataaffigissallugu soqutigaarput.

ATASSUT-miit immikkut maluginiarparput, apriilimi ukioq manna maani Nuummi aalisarneq pillugu isumasioqatigiinnermi aamma taamatut ilusilimmik oqariartortoqarmat. Taamaattumillu isumaqarpugut, siunnersuutip imarisaa iluaqutaalluassasoq.

Taamatut naatsumik oqaaseqarluata, siunnersuut tamakkiisumik taperserlugu, innersuussutigissavarput aappassaaneerneqartinnagu Aalisarnermut Piniarnermut Nunalerinermullu Ataatsimiititaliamut ingerlatinneqassasoq.